

AWIG - AWIG DESA ADAT BELALUAN



DESA SINGAPADU TENGAH
KECAMATAN SUKAWATI
KABUPATEN DAERAH TINGKAT II GIANYAR

PID . GING
MAKA BERTANG AWIG-AWIG DESA ADAT
MURDHA - CITTA

		Widang
BARGA	I	ARAN DAN W/WIDANGAN DESA 1
BARGA	II	PATITIS L. N. P. MIKUKUH 1
BARGA	III	SUKERTA TATA P. KRAMAN 2
		Palet 1 Indik Krassa 2
		Palet 2 Indik Dulun/Prajuru Desa 5
		Palet 3 Indik Kulkul 6
		Palet 4 Indik Peruman 7
		Palet 5 Druwen Desa 8
		Palet 6 Sukerta Pamitegep 9
		Keping 1 Kerang, Tegel lan Carik 9
		Keping 2 Pepsyonan 10
		Keping 3 Wewangunan 11
		Keping 4 Wewalungan 11
		Keping 5 Bhaya 12
		Keping 6 Penyanggran Banjar 13
BARGA	IV	SUKERT. T. TA AGAMA 13
		Palet 1 Indik Dewa Yadnya 13
		Palet 2 Indik Resi Yadnya 17
		Palet 3 Indik Pitra Yadnya 17
		Palet 4 Indik Manusa Yadnya 22
		Palet 5 Indik Bhuta Yadnya 23
BARGA	V	SUKERT. T. T. P. WONGAN 25
		Palet 1 Indik Pawiwahan 25
		Palet 2 Indik Nyapihan 27
		Palet 3 Indik Sentang 28
		Palet 4 Indik Warisan 30
BARGA	VI	WICARA DAN P. MIDANDA 32
		Palet 1 Indik Wicara 32
		Palet 2 Indik Pamidanda 33
BARGA	VII	NGUWUH-NGUWUHIN AWIG-AWIG 34
BARGA	VIII	P A M U P U T 35

MURDHA CITTA

AUM, OM,

Om Swastyastu, Om swighnamastu nama sidham.
Patusing sabha Krama Desa Adat Belaluen gumawe Awig-awig Desa
Pakraman nake sepat siku-siku pamstat, wasta kasidhen prayo-
janen mami kubeh prasama anghidep muan amegheken kadi ling-
ing 'wig-awig iki.

BARGA I

KAWIDANGAN DESA

Pawon 1

- (1) Desa Adat puniki mawasta Desa Adat Belaluen.
- (2) Jebur kakuwub wewidangnya mawasta nyatur :
 - a. Sisih Weten ring Tukad Wos.
 - b. Sisih Kulon ring Banjar Kutri.
 - c. Sisih Lor ring Tukad Wos lan Banjar Mawang.
 - d. Sisih Kidul subak Pangubengan.
- (3) Desa puniki kawangun entuk karang ayahan Desa miwah ka-
rang gunakeya sane wantah tunggil Banjar, turaning kapeh
dedos 3 tempeken luwire :
 - a. Tempekan Puseh.
 - b. Tempeken Desa.
 - c. Tempekan Dalem

BARGA II

PITIS LAN PAMIKUKUH

Pawon 2

- Desa Adat Belaluen ngawenggehng pamikukuh minakadi :
- a. Pancasila ;
 - b. Undang-Undang Dasar 1945 Pamakas pasal 18 ;
 - c. Peraturan Daerah Propinsi Tingkat I Bali nomor 00 tahun
1936 ;
 - d. Tri Hita Karana manut sada cara Agama Hindu.

Pawos 3

Patitis Desa Adat Belaluan :

- a. Mikukuhin miwah ngrajegang Sang Hyang Agama.
- b. Nginggilang tata Prawertine agama.
- c. Ngrajegang kasukerten Desa saha Pawongnya sakala lawan niskala.

BARGA III

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos krama Desa inggih punika kulawarga sane wa - gama Hindu saha ngamong karang Desa utawi karang gunakaya
- (2) Sajaba punika sinanggeh tanyu.

Pawos 5

Krama Desa wenten 4 (petang) paos, luwira :

- a. Krama Ngarep, kulawarga sane ngamong karang nyahan Desa utawi karang gunakaya.
- b. Krama Pangampel, kulawarga sane sampun alaki r-bi nenten ngamong karang.
- c. Krama Belu, kulawarga sane katinggalin saba olih lanang - nya utawi istrinya (utawi sapihan).
- d. Krama Tepukan, kulawarga sane katinggalin olih mame wiadin bapa sakewanten durung antes ngayah (durung mayusa 18 war - sa).

Pawos 6

Kawit dados krama Desa :

- a. Sangkanin ngamong karang.
- b. Mawit Pawiwahan.

Pawos 7

Pemanyan tedun makrama Desa :

- a. Ring maceken Agung (soma kliwon Wuku Kuningan) nemonin pa - rumah Desa mawit pawiwahan.
- b. Ngawit jenek mapawahan sangkanin ngamong karang.

Pawos 8

Sabatanan Kraama Desa sami keni tetegenan (ayah-ayahan lan urunan). luwire :

- a. Ayah Nyunek, mapiteges urunan miwah ayahan mamungkul sa - keng kraama pangarep.
- b. Ayah Pangampel, ayahan utawi urunan pateh kadi pangarep , reramon benten keni.
- c. Ayah Balu Pangarep, keni ayahan manut kabalunya, ayahan ngembang pisan urunan pateh sakadi pangarep.
- d. Ayah Balu Pangampel, kaundul olih ayah pangarep utawi luput ayah miwah papeson.
- e. Ayah Tapukan Marep, keni urunan mamungkul ayahan luput.
- f. Prade rikalaning ngayah wenten sinalih tunggil kraama mati-lar asdereng puput karya wenang kraama inucap keni pasidenda manut pararem, tanjek laler kawastanin.

Pawos 9

Kraama Desa kadadosang :

- (a) Mapuwangkid utawi tan tedun ritatkala :
 - 1. Meyadnya.
 - 2. Keluwasan.
 - 3. Maluwasan.
 - 4. Matepetin.
 - 5. Sungken.
 - 6. Lidik papuwangkidan sakadi ring ajeng manut pararem.
- (b) Nyada, mapiteges ngamademan ayah, risapun mayusa 70 warsa tur tan dados nyuksukin ayah tios manut pararem.
- (c) Nyade, utawi nyusukin, tur sane kawenangang risapun mayusa 18 warsa tur mresidayang nganutin kraama (panyalib).
- (d) Nutug ayah antuk artha brans (naub) saantukan kajudi olih sang Mawang Rat utawi wagenah ring Dura Desa (manut pararem).

Pawos 10

Wusan dados Kraama Desa, luwire :

- a. Sangkanin :
 - 1. Pinunas ngruga, manawi kesah ka Dura Desa utawi ngalangkungin segera.

2. Kanoreyang, dwaning sampun teu presida ngesehin solah maprawerti lempas ring kecaping Awig-swig.

b. Sang wusan makrama :

1. Patut ngaturang kerang ayahan ke Desa prade kerang punika kerang Desa.
2. Tan polih psh-pshen sangkening padruweyan Desa/Banjar .
3. Ayah lus/asuk (manjing metu) prade tedun makrama melih keni pamopog manut parareu.

Pawos 11

- (1) Yan wenten wong Dura Desa miwah jaba kuta jumenek ring Desa Adat Belaluan nangun usaha wiajin ngarereh kakaryan kakenenin sadana krama satunggil saah manut parareu.
- (2) Yan wenten wong Dura Desa miwah jaba kuta makerambian jumenek ring Desa Adat Belaluan nangun usaha wiajin ngarereh kakaryan lintang ring 6 saah patut makrama Desa Adat Belaluan tur keni panukun pipil lan pamopog manut parareu.
- (3) Sinalih tunggil krama Desa Adat Belaluan sane paceng wastimbelang kerang desa yan sampun kasungkem olih waris ipun teu dados kapialang nanging yan teu espunika tan kapatut wiajin teu kadadosang.
- (4) Yan wenten kerang Desa ka epah sane acutak kadadosang kelih utawi langkungan kulawarga sane nanggap punika sowang sowang patut tedun makrama tur keni ayah pangarep.
- (5) Yening krama Desa Adat Belaluan nanggap kerang sakeng polih nugas, jiwa sadana sajawaning sane nanggap kerang Desa kakenenin ayah pangarep.
- (6) Melih yan wenten wong sakeng Dura Desa utawi jaba kuta madunungan ring sawengkoning Desa Adat Belaluan sang kadunungan patut masadok ring prajuru mawuneng arahina.
- (7) Sira ugi krama Desa ngundulang sang madunungan yan wekas an ipun piwal ring kasukertan Desa Adat Belaluan, sang sane ngundulang keni pemidanda manut parareu.

Palet 2
Indik Prajuru / Dulun Desa
Pawos 12

- (1) Desa Adat Belaluan kaenter olih Bendesa Adat.
- (2) Banjar kaenter olih Kelihan Banjar.
- (3) Bendesa len Kelihan Banjar patut :
 - a. Mawiwit sakeng kraus wed.
 - b. Keadegang malerapan antuk kacetri olih perumanya so-
wang-sawang nyebren 5 (lima) warsa, sajawaning wenten
parindik tiyos dados kacetri malih.
 - c. Medularan Dewa saksi ring Pura Bale Agung.
 - d. Uning nyurat / ngawacen aksara Bali / latin.
 - e. Uning parindikan Agama len Adat.

Pawos 13

- (1) Bendesa Adat kasenggs olih :
 - a. Patujuh utawi Pangliman pinaka wakilnya.
 - b. Penyarikan pinaka Juru Surat.
 - c. Patengen / Juru Raksu pinaka pangamong Druwen Desa.
 - d. Kasinoman pinaka juru arah.
- (2) Kasinoman akehnya manut kawigunan saha megilir nyebren
sasih.
- (3) Sajeroning ngenterang kasukertan niskala Bendesa mising-
gihang Pamangku Kabhyangan Desa utawi sang rumaga Pandita.

Pawos 14

- (1) Swadharmaning Bendesa Adat luwiro :
 - a. Ngenterang pamargin awig-awig miwah pararem Desa.
 - b. Nuntun tur ngenterang kraus reuhing warga Desa ngupa-
di manut patitis.
 - c. Mawosin kalih miwakang pamutus marep ring wicara war-
ga Desa.
 - d. Neka antu antemuang bawos ring sapa sira agi.
- (2) Prade prajuru iwang parileksana keni pamidanda nikeling
keiwangan sowang-sawang kraus saha kangkat kararyanang
manut pararem.

Pawos 15

- Petyas utawi olih-olihan Prajuru, luwire :
- a. Luput rerampen (pedagangan keni saparo).
 - b. Polih tanding tengah.
 - c. Upon pacatu / pelaba carik.
 - d. Petyas sewosen manut pararem.

Pawos 16

- (1) Prajuru Desa kagentosin riantukan :
 - a. Seda.
 - b. Kanorayang dwaning iwang pamergi sangkening nilar sesana.
 - c. Wit sakeng paksyun utawi pinunas ngrage.
- (2) Ngenorayang utawi ngentosin Prajuru patut sajeroning paruman tur keingkupin olih krama Desa.

Palet 3

Indik Kulkul

Pawos 17

- (1) Kulkul ring Desa luwire :
 - a. Kulkul Desa ;
 - b. Kulkul Banjar ;
 - c. Kulkul Sekas-sekas.
- (2) Tebuh tatetakan Kulkul Desa utawi Banjar :
 - a. Duang tulud lambat, tengeran tedun ngayah / parumen.
 - b. Atulud bulus, tengeran geni bhaya.
 - c. Kalih tulud bulus, tengeran artha bhaya.
 - d. Tigang tulud bulus, tengeran jiwa bhaya.
 - e. Petang tulud bulus, tengeran erbhaya.
 - f. Tigang klentungan lambat, tengeran kalayu sekeran.
 - g. Petang klentungan lambat, tengeran pawiwahan.
 - h. Limang klentungan lambat, tengeran rare embas.
 - i. Kulkul nung ting lambat, tengeran yadnya, surya gra miwah bulan kepangan.
 - j. Kulkul nung ting becat, tengeran lindu.

Pawos 18

- (1) Kukul Desa utawi Banjar tan wenang kotepak yening tan sangkening pituduh Prajuru, sejawening tengeran baya.
- (2) Bang nepak tan sangkening pituduh patut digelis atur supeksa maka bustan panepake, yen tan esapunika wenang sang mamurug kadanda manut pararem.
- (3) Kukul Seksa-seksa samaliha kukul pondoken tan kalugra nyawerin (matelyin sukat) utawi tengeran kukul Desa /Banjar. Prade mamurug teler kadanda manut pararem.

Pelet 4

Indik Paruman

Pawos 19

- (1) Paruman / sangkepan ring Desa Adat Belaluan, wenten :
 - a. Paruman Desa / Banjar, kawentenang :
 1. Nyabran ngessih, aksa cihna tanpa arah-arah dwe - ning sampun tetep panemaya ring rehina Anggar Kasih.
 2. Napkala (pedgata kala) maka jalaran arah-arah manut tatujon.
 - b. Sangkepan Prajuru, kawentenang manut wiguna.
 - c. Paruman Seksa-seksa manut pebuat.
- (2) Paruman Desa utawi Banjar medudonen sekadi ring sor :
 - a. Prasida lumaksana risampun katedunin olih sang patut ngemiletin langkungen ring atenge, kawanggale entuk tengeran kukul miwah sabussana madya, saha tan kalugra makta gegawan sakaluwire : tan maren ngarcana ring Ida Bhagawan Penyarikan maka srana widi widana (cane).
 - b. Maka sarana janggi, pangawit kalaksanayang panyacak sep-sepen saha riwusnya nyacak nawur dadosan manut pararem.
 - c. Tan kalugra ngawetusang suwara gora utawi byote, yen mamurug keni pasidanda beya pasamil kadi dandaning ngu men-uman ring sabha manut pararem.
 - d. Pamutus bawos beriyuk sepanggul (ingkup) punika kawanggehang.
- (3) Prade pidginging paruman tan kaingkupin mangda Prajuru Desa

ngilikang bewos, prade tan prasida suara sane uskehang si-
nanggeh pamutus saba pamutusnys mengde kararewin olih kra-
ma Desa bilih tan prasida kasungkemin jantos ping tiga Pra-
juru Desa wenang nunas bewos ring sang Ngawawenang.

Pawos 20

- (1) Sajroning paruman Desa, Bendesa patut nyobyaheng pamargin
ngenterang Desa pamakas ngeninin indik :
 - a. Munjuk lungsuring pakraman saba ayah-ayahan, sulur ar-
tha brana, druwen Desa.
 - b. Rencana Prajuru ngeninin usaha Desa kapungkur.
- (2) Pamutus paruman Desa sinanggeh pararem maka pamitegep A-
wig-awig.

Pawos 21

- (1) Sangkepan Prajuru kawenangang wantah ngerincikang pang-
rencana usaha Desa kapungkur.
- (2) Sangkepan Prajuru Desa tan kawenang ngawedalang tategenan
ring krama sadereng kaingkupin olih krama Desa.
- (3) Pamutus sangkepan Prajuru Desa ngawetuwang paswara maka
pidaging pituduh sang ngawawenang utawi ngonekang pecak
pararem Krama Desa.

Palet 5

Indik Druwen Desa

Pawos 22

Padruweyan Desa Adat Belaluan sakadi ring sor :

- a. Kabhyangan Desa luwire :
 1. Kabhyangan Tiga.
 2. Pura Melanting.
 3. Pura Beji.
 4. Pura Prajapati.
- b. Bale Desa Adat / Banjar Belaluan.
- c. Karang Ayahan Desa.
- d. Setra-setra palemahan, makadi setra pangarep miwah setra
rare.

- e. Pelaba Pura, Carik/tegal melinggah 99 are miwah tegalan 84 are.
- f. Lelanguan, makadi tetabuhan lan ilen-ilen padruweyan Desa luwire :
 - Gong Druwen Desa lan sapanunggilanya.
- g. Usaha Desa.

Pawos 23

Pilih-olihan Desa dat Belaluan luwire :

- a. Pilih-olihan sakeng palaba Pura.
- b. Urutan krama Desa dat.
- c. Paica sakeng guru Wisesa.
- d. Paica sane tiyosan, sane patut.
- e. Usaha Desa.

Pawos 24

- (1) Prajuru Desa wenang ngetangang pamupon laba Pura sapanungulan druwen Desa.
- (2) Pikilih lan pamupunya kaanggen prabeys piodalan saha we - wangunan ring Pura.
- (3) Nyabran pasangkepan Desa Prajuru pangamong druwen Desa nguningayang pariindik munjuk lungsuring padruweyan ring krama Desa.
- (4) Sakeluwiring druwen Desa patut wenten ilikitanya.
- (5) Tan kalugre ngedol, makidiheng, ngedayang utawi ngesehang padruwen Desa yan tan kasungkemin olih krama Desa.

Palet 6

Sukerta Pamitegep

Kaping 1

Karang, Tegal lan Carik

Pawos 25

- (1) Krama Desa pangamong Karang Desa (tanah sane tan keni ti-gasana) miwah pakarangan gunakaya patut ngewatesin karang inucap antuk pagenan turus utawi tembok mangda pakantenan ya usri.
- (2) Wates sisi kaler miwah kangin patut kakaryanin olih sang

ngawong kerang ayahan inucap, sane mawasta gagaleng keluwan sajawaning tanah pacatu, tegal, cerik, tanah padruweyan ngeraga, sane kapiara watase magaleng kateben utawi manut dresta.

- (3) Prade kerassayang paged/turus inucap ngalikadin, yan pada arsa penyandinge, dados watase nganggon pinget kewnten ka saksinin olih Prajuru Desa utawi pracihna patok sakeng guru wisasa.
- (4) Prade wenten kerang kabengbeng/embet mangda kausahayang wenten pemerginya/pangutusan toyane.

Pawos 26

- (1) Einalih tunggil Krema Desa Adat/Banjar ten kelugra :
 - a. Ngalah-alah margi, kerang ayahan Desa, lan sapanunggilanya.
 - b. Ngalah-alah linggih kehyangan, tegak setra lan sakan - can linggih sinanggeh suci.
- (2) Prade wenten sakadi ring ajeng, sang ngalah-alah patut ngawaliang tanah inucap saha keni pemidanda manut pararem maduluren upakara ring pangalah-alah tanah suci.

Keping 2

Pepayonan

Pawos 27

- (1) Ngawit nandur pepayonan tanem tuwuh patut adepa agung (1 1/2 meter) sakeng wates prade ngaliwat wenang kasepat gantungin.
- (2) Yening wenten tetanduran ngungkulin, samaliha mawastu asyanin kapisage patut kawara entuk paiguman, ping ajeng prasida sang nruwensang wit ngarebah utawi notor.
- (3) Prade sampun kawara taler ten wenten usaha sang nruwenang wit, sang rumasa katetehan/kajerihan wenang masadok ring Prajuru, tur risampun kaparitas olih Prajuru kelugra ngicalang wit inucap, patin pepayonan katiba ring sang nruwensang wit miwah prabeysa mungkul katiba ring nruwenang wit katasur manut pengelcika sane nepesin.

- (4) Sang keni pavidanda panyangeskara saha prabeys marep ring wewangunan sane karubuhin, luwire :
- Sang nruwenang wit sinanggeh wayanin, prade pungkak ngerubuhin wewangunan krama tiyosan.
 - Sang notor, munggal utawi ngarebeh taru tur ngerubuhin krama tiyos utawi wewangunan.
- (5) Krama Desa patut ngamanggehng kawediyen tanem tuwuh sane ngawinang Desane asri.

Kaping 3
Wewangunan
Pawos 28

- (1) Nyabran ngawangun patut :
- Mesadok ring Prajuru, ping ajeng prade wewangunan nganinin bates.
 - Ngangge Asta Bumi miwah Asta Kosala-kosali.
 - Sanistane manut ring petitis niskala.
 - Tan nyayubin ka pisaga.
- (2) Prade wewangunan jantos nysayubin bilih-bilih tembok ring telenging wates, risampun kawara tur kasadokang ring Prajuru, wenang kadanda manut pararem saha tembok inucap kagubar utawi sanistane mangde kakeryanin abangen.

Kaping 4
Wewalungan
Pawos 29

- (1) Sahenen warga Desa sane mamisra wewalungan (bawi, benteng lap.) patut siaga nitenin negul/ngalogor mangda tan ngarusak kerang utawi pabianan Krama sewos, bilih-bilih nyan tos ngranjing ngaletihin Kahyangan.
- (2) Prade wenten wewalungan malubar utawi ngeleb ngarusak pakarangan/pabianan krama sewos, risampun kawara dados kabataban tur kadanda ngewaliang wit sane karusak saha newur panebas papieran tetebanan, manut pangeloika Prajuru Desa.
- (3) Prade jantos ngaletihin linggih suci, minakadi pemerajan risampun kaperitatas olih Prajuru, wenang sang nruwenang

kadanda mabuhu agung tebasan prayascita durmangala utawi panca sata maulu bebek belang kelung prade jantos ngaléta-
han Kahyangan Tiga utawi Pura Pemaksaan.

- (4) Kraha Desa patut nyanggra wewalungan miwah sarwa prani ,
tan kapatutang ngamademang paksi, nuba ulam miwah sane ti-
yosan prade memurug keni pamidanda manut pararem.

Kaping 5

Bhaya

Pawos 30

- (1) Pari indik bhaya, luwire : jiwa bhaya, artha bhaya (kepan-
dungan) dura cara ring Agama.
- (2) Sang manggihin kehanan jiwa bhaya, patut nepak kulkul bu-
lus mapitulung anut pawos 17 (2) aksara d.
- (3) Prade ring Desa kehanan jiwa bhaya, patut Desane ngaturang
bhuta yadnya tur sang mayanin katur ring sang ngawawenang,
prabeye bhuta yadnya katiba ring sang iwang.
- (4) Prade wenten jadma mamisuh utawi ngumen-umen jadma tios
kakenanin pamidanda prayascita utawi beya pacamil manut pa-
rarem.

Pawos 31

- (1) Sang manggihin kehanan artha bhaya (kemalingan), patut
ngulkul mapitulung anut ring pawos 17 (2) aksara c utawi
sang kemalingan atur supeksa ring Prajuru Desa sane pacang
nimbangin utawi nandanin manut daging pararem saha mawuwuh
panyangskara prade wenten jadma ngamaling barang sinang -
geh suci.
- (2) Pratingkaha mapillon ring dusta kabawos asuron, prade wen-
ten jadma manggihin maling ten nyadokang ring Prajuru Desa
jantos jadma tios nyaduang, patut kadanda kadi dandaning
maling, manut cacakan Benjar, tur prade jantos ping tiga
malaksana sapunika wenang kasuksereh ring sang ngawe-
nang.
- (3) Prade wenten jadma ngarereh reramon, minakadi daun kelapa,
ron, tan pasadok ring sang nruwenang wit, prade kacunduk
(katara) patut kadanda kadi dandaning maling.

- (4) Yening wenten jadma ngranjing ka pakubon wiaadin pekerangan jadma tios rikala suwung, mawestu sang madruwe kerang keicelan, wenang jadma inucap katuwekang antuk madewa saksi ring Pura Bale Agung.
- (5) Mangda tan katuwekang manut ring ajeng, asing-asing ngranjingin pakubon jadma tios patut :
- Matengeran suwara (makaukan).
 - Ngantos sang nruwenang kerang rauh utawi masadok ring pangapit pinih tampek, maka buatan pangranjinge.
 - Pamedal keranynya kadagingin sawen maka cihna pangarah rikala suwung.

Keping 6
Panyanggran Banjar
Pawos 32

- Krama Desa / Banjar rikala ngawentenang karya suka duka, patut kasangga olih Banjar, luwire :
- Prade ngawangun Pitra yadnya utawi Manuss Yadnya, manut pinunas sang mayadnya.
 - Pangrombo utawi karya gotong royong krama jentos ping tiga utawi langkungen patut katuran pangingu.
 - Pangingu rikala Pitra Yadnya, manut abot dangan yadnya, pra de sakeng semengan ngantos sore/wengi katuran pangingu ping kelih.

SARGA IV
SUKERTA TATA AGAMA
Palet 1
Indik Dewa Yadnya
Pawos 33

- (1) Palinggih panyiwien sawidangan Desa dat Belaluan luwire :
- Kehyangan Tiga : Pura Puseh, Pura Desa/Bale Agung, Pura Dalem.
 - Pura Beji.
 - Pura Melanting.
 - Pura Prajapati.
 - Pura Pedadian.

- (2) Rahina piolahan sowang-sowang Kahyangan inucap, kadi ring sor :
- a. Ring Kahyangan Tiga luwire :
 1. Pura Desa/Bale Agung, ritatkala Buda Wage (Buda Cemeng) Langkir.
 2. Pura Puseh, ritatkala Buda Kliwon Paeng.
 3. Pura Dalem/Prajapati, ritatkala Anggara Kliwon Mendang siya.
 - b. Pura Melanting ritatkala Tumpek Wariga (Saniscara Kliwon Wariga).
 - c. Pura Beji ritatkala Buda Kliwon Paeng.
- (3) Pangaci ring pura inucap manut sastra Agama saha kalaksanayang nista, madya, utama manut kawentenan lan pararem.
- (4) Pangamong sowang-sowang Pura manut dresta kadi ring sor :
- a. Pura Puseh kaempon olih Krama Desa adat Belaluan.
 - b. Pura Bale Agung kaempon olih Krama Desa adat Belaluan.
 - c. Pura Dalem kaempon olih Krama Desa adat Belaluan.
 - d. Pura Beji kaempon olih Krama Desa adat Belaluan.
 - e. Pura Melanting kaempon olih Krama Banjar Belaluan.

Pawos 34

- (1) Ring sowang-sowang Pura inucap kaadegang Pamangku.
- (2) Ngadegan Pamangku manut dudonan :
- a. Turunan utawi ngwaris.
 - b. Nyanjaan utawi masemurang mapiteges mapinunas ring ajeng natar pura.
 - c. Kacstri olih krama Desa.
- (3) Tan kawenang snggen Pamangku luwire :
- a. Cedang, luwire : peceng, perot, cungh, lan sapanunggilnya
 - b. Sang sapa sira ugi sane tan kapatutang manut pararem.
 - c. Sungken ila, syan, buduh, widadin edan.
 - d. Sane madrebe kasucian urip, tan becik.
- (4) Prabiya Kapamangkuen :
- a. Adiksa widhi (mawinten) kamedelin saha kalaksanayang olih sang ngadegang makadi krama Desa utawi pangamong Pura sowang-sowang.

*Jindik
Pamangku.*

- b. Mapitra yadnys riwekas, patut kasungkemin olih kraa
Desa utawi pangamong.
- (5) Pamangku patut ngamanggehang sesananing Pamangku luwire :
- a. Tan sjejuden (tan dados majudi).
 - b. Tan wenang parek ring maye dusta (tan dados mangugonin
daya corah).
 - c. Tan wenang manjing ring umah pejagalan (banija kraa).
 - d. Tan atayub ring camara yudha (tan dados kaungkulin ta-
rub tajen).
 - e. Tan pati pikul-pikulen.
 - f. Tan grigening wong akweh (tan dados patehang ring anak
siwos).
 - g. Ambek Darma sadu, makelang sastra utama.
 - h. Asewaka Dharma.
 - i. Tan wenang salab sulub.
 - j. Tan manjing ring umah wong Drati Kraa.
 - k. Tan keneng cuntakaning wong len.
 - l. Tan amangan miwah enginum sahananin ngawe wada.

Pawos 35

Swadarma Pamangku luwire :

- a. Ngenterang upakara piodalan ring kahyangan utawi ring so-
wang-sowang pakubon kraa.
- b. Prade salah sinunggil Pamangku kepielang utawi cunteka da-
dos nguntap Pamangku tiosan utawi nuwur sang Sulinggih.
- c. Semelika yan sampun ngayah ring Pura, kancit wenten kula-
warganya seda, Mangku inucap tan keneng cunteka, sakewan-
ten Mangku tan budal selami piodalan.

Pawos 36

Patyas utawi olih-olihan Pamangku luwire :

- a. Panyolongan miwah sarin cenang sowang-sowang pakubon Kraa
Desa.
- b. Upon pelaba carik miwah tegal manut pararem.
- c. Luput pakaryan lan rerampen/reramon, pedagingan keni sapa-
ro yan wenten tetangunanan pateh kadi kraa pedagingnya.

- d. Busana arangsukan nyabran ngawarsa.
- e. Patyas siyosan manut pararem.

Pawos 37

- (1) Pamengku kegentosin riantuken :
 - a. Seds.
 - b. Pinunas ngraga, manawi kageringan lan sapanunggalanya.
 - c. Kawusang olih krema manawi malaksana sane nilar sasane (asta dusta).
- (2) Prade Pamengku kawusang sangkaning malaksana nilar sasane (asta dusta) keni pamidanda manut pararem saha ngawaliang prabiya pawintenanya pecak.

Pawos 38

Kasukertan Kahyangan kadi ring sor :

- a. Tan kelugra ngranjing kepura luwire :
 - 1. Sang katiben cuntaka.
 - 2. Makta sahanan barang sinanggeh ngaletihin.
 - 3. Sato Agung, sajawaning rikala mapada.
 - 4. Mabusana tan manut kadi tata caraning ngranjing ke Pura.
 - 5. Sadereng polih wak-wakan (pituduh) Prajuru Desa.
- b. Pratingkaha ten wenang ring Pura :
 - 1. Masumpah (cor) sajawaning pituduh Prajuru Desa.
 - 2. Makobeten, masesenengan, makolea dados esiki lanang wadon, mabacin, mawya wahara, nyangsang busana, menehin pusungen, macecepin rare (santukan punika rikala majajahi tan patut ngelung busung macongger lidinya).
- c. Sang mamurug kecaping ring ajeng keni pamidanda pamerayas - cita sapatutnya, manut pararem.

Pawos 39

- (1) Yan wenten jedma karuhan ring Pura, dados kepintonin prade rumasa kesangsayan, yan ten wiyakti jedma inucep kesi - sipan manut pararem.
- (2) Prade kahyangan kahanan durmanggala, minakedi bhaya Pamengku/sang sane manggihin patut digelis nyadokang ring

Prajuru, saha Prajuru mangda maruwang Krama Desa tur ngawentenang pamerayascita sapatutnya.

Palet 2
Indik Resi Yadnya
Pawos 40

- (1) Sang pacang madeg Pandita utawi pinandita minakadi Balian Sonteng, Kubsyan, Delang sekaluwire jagi ngenterang yadnya patut masadok ring Prajuru Desa, kalih Perisada Hindu Dharma Indonesia.
- (2) Prajuru Desa patut ngawas nitenin tur nawengin/ngalangin prade wenten kacihna sasar kakecap miwah drestane, tur sareng nyeksinin upakara saha nyobyehang ring paruman Desa tegap rawuhing wates kawenanganya ngenterang yadnya.
- (3) Krama Desa patut ngeturang ayah sapamsdeg miwah ring panglepas/lebar sang sulinggih riwekas katuntun olih Prajuru Desa.

Pawos 41

- (1) Sang Sulinggih patut ngariyinin ngrayuning utawi muputeng yadnya ring wawidangan Desa Adat Belaluan sesempune wawu muputeng yadnya ka Dura Desa.
- (2) Krama Desa sami patut sareng ngawas nitenin katuntun olih Prajuru, mangda sahanan yadnya sane kawentenang kalicen ngamuput olih Pedanda utawi Pinandita manut kawenanganya sowang-sowang.

Palet 3
Indik Pitra Yadnya
Pawos 42

Pamargin Pitra yadnya madudonan manut sakadi ring sor :

- a. Pangupakeran sang kelayu sekaran.
 1. Antuk mendem.
 2. Atiwa-tiwa/pengsbenen.
 3. Yan ana wong pawestri mobot lampus tan wenang kapendem sadurung bobotnya embas (kaembas).
 4. Lampus sangkaning salah pati, nguleh pati utawi sane

tiosan wenang bakta budal kaproteka kadi mati bener ma-
weweh panebusan/pangulapan ring genahnya seda.

- b. Upacara upakera Pitra yadnya riwusen kasbenen munggah daun
bingin utawi ngrorasin.

Pawos 43

Swadarmaning lan tetegenan prade wenten sinalih tunggil Krama
kelayu sekaran :

- a. Sang kaduhkitan patut :

1. Nyadokang ring kelihan tur nunas tatimbangan ring kawen-
tenanya.
2. Ngaturin Banjar ngerombo makerya eteh-ete miwah selan-
turipun manut pararem.

- b. Swadarmaning Banjar/Desa :

1. Kelihan Banjar maritatas pamargin sang kaduhkitan napi-
ke pacang kependem, makingsan riyin utawi prade Pamang-
ku lantur kasben.
2. Prade kependem raris kasuarayang kulkul olih kelihan
Banjar utawi Prajuru tiosan.
3. Panyanggran Banjar selanturnya :
 - a. Sowang-sowang Krama Banjar nading manut pangeloikan
Krama.
 - b. Ngerombo ngaryanin eteh-ete sawa kasrengan olih
krama sane rauh maksian.
 - c. Sami Krama Banjar ngenter ka Setra jantos pawendem
puput.
- c. Tan kalugra nginepang bangbang rikala semut sedulur, kala
gotongan, was nganten, pasah, prewani, purmasa, tilem, mi-
wah wali ring kahyangan, galungan, kuningan.
- d. Prade wenten kelayu sekaran rikalaning piodalan kengin men-
dem tau nyuwarayang kulkul pamargine masiliben.
- e. Yan wenten Pamangku kelayu sekaran sadereng wenten dewasa
pangebunan krama Banjar patut nglaksanayang ragebagan ka-
enter olih Prajuru.

Pawos 44

- (1) Sane kasinanggeh cuntaka sakadi ring sor :

- a. Cuntaka antuk kelayu sekaran.
- b. Cuntaka antuk ngraja sewala.
- c. Cuntaka antuk ngembasang putra.
- d. Cuntaka antuk karuron.
- e. Cuntaka antuk sakit ila, buduh.
- f. Cuntaka antuk pawiwahan.
- g. Cuntaka antuk gamia gamana (nganten pepernshan).
- h. Cuntaka antuk salah timpal.
- i. Cuntaka antuk yening wenten anak istri mobot nenten kaupakera pabia kawonan tur pawidi widanan.
- j. Cuntaka antuk samitra ngalang.
- k. Cuntaka antuk yening wenten anak istri ngawentenang putra sedurunge kaupakera pabiya kawonan tur pawidi widana.
- l. Cuntaka antuk Sad Tatayi.

(2) Bengker cuntaka manut kawentenanya :

- a. Cuntaka kelayu sekaran, cuntakanya kasnutang sakadi loka dresta, wihah sastra dresta adat sowang-sowang.
- b. Cuntaka ngraja sewala, 3 rahina ngawit sakeng ngraja sewala utawi salamaning ngraja sewala.
- c. Cuntaka ngembasang putra, 42 rahina (abulan pitung dina) ngawit sakeng putrane embas, utawi nyantos sampun kaupakarayang mekekambuhan tur maperayascita manut sakadi sastra Agama sane istri, sane lanang risampun kepus odel.
- d. Cuntaka karuron, cuntakanya abulan pitung rahina (42 rahina) tur sampun astirta parayascita sane istri, sane lanang tigang rahina.
- e. Cuntaka Pawiwahan, cuntakanya ngantos sesampune astirta pabiukawonan.
- f. Cuntaka Gamia gamana, cuntakanya ngantos sesampune kapalasang, sampun kawentenang parayascita raga tur sampun kawentenang parayascita Desa Adat / Kuhyangan.
- g. Cuntaka salah timpal, katepasin manut ring sastra Agama Hindu tur dresta Desa Adat sowang-sowang.

- h. Cuntaka anak istri mobot nenten kawentenang upakara pa biukewonan cuntakanya ngantos kawentenang upakara pa - biakawonan.
- i. Cuntaka semitra ngalang, cuntakanya ngantos kawentenang upakara pabiukewonan.
- j. Ngebasang putra nenten kawentenang upakara pabiakawonan upakara widi widana, cuntakanya ngantos wenten sane as-meras sang putra, tur sampun kawentenang upakara sakadi manut ring sastra Agama.
- k. Cuntaka Sad Tatayi, cuntakanya ngantos sampun mapreya-cita raga tur nenten pisen dados ngemanggeheng upakara padwijatian.
- (3) Cuntaka Kelayu Sekaran / kependem :
- a. Kependem cuntakanya :
1. Cuntaka/sebel ka Banjar reuhing 3 rahina riwusnya mendem utawi sesapun polih prayascita (mapegat).
 2. Kulawarganya ring sajeroning pakarangan ngantos 42 rahina (abulen pitung rahina), manut sastra dresta.
- b. Kaaben Cuntakanya :
- Sang nyambut karya Pitra yadnya cuntakanya ngawit nyam-but dewasa reuh riwus yadnyanya (mapegat).
- (4) Sang katiben cuntaka luwire :
- a. Kelayu sekaran sane cuntaka :
1. Sang sane kelayu sekaran.
 2. Kulawarganya.
 3. Bebenjeran.
- b. Ngraja sewala sane kacuntakan :
- Sang sane ngraja sewala.
- c. Ngebasang putra kacuntakan :
- Kulawarganya sane ngebasang putra lanang/istri.
- d. Pawiwahan sane kacuntaka :
- Sang sane kaupacara pawiwahan lanang widadin istri.
- e. Karuron sane kacuntaka :
- Kulawarganya lanang widadin istri.
- f. Gamia gamana sane kacuntaka :
1. Sang sane ngleksanayang gamia gamana.
 2. Desa Adat nyane.

- g. anak istri mobot nenten kawentenang upakara pabikaonan sane kacuntaka :
Sang maraga istri (sane mobot).
 - h. Mamitra ngalang kacuntaka :
Sane nglaksanayang mamitra ngalang.
 - i. Ngembas putra nenten kawentenang upakara pabikaonan miwah upakara sawidi widana sane kacuntaka :
 1. Sang sane ngembasang putra.
 2. Putra sane embas.
 - j. Mad Tetayi cuntakanya :
Sang sane nglaksanayang Mad Tetayi.
- (5) Tan keneng cuntaka luwire :
Sang Sulungguh lan Pamangku Kahyangan Desa.

Pawos 45

Atiwa-tiwa (pangabenen).

- a. Atiwa-tiwa (pangabenen) ring Desa Adat Belaluan patut ka - margiang liwang warsa (5 tahun) apisan (ngaben ngerit).
- b. Ring awarsa sadurunge padewasan pangabenen kamergiang, Prajuru Desa/Banjar ngerwakan ring krama Banjar tur sang panga rep patut masedok ring Prajuru Banjar/Desa sesih sajero - ning penyerwakan ring Banjar.
- c. Ring sajeroning waning liwang warsa wenten sang rumage Sulungguh leber, sinelih tunggil krama dados ngiring, yen sem pun wenten pidabdab ngaben ring Desa Adat ide dane krama tan dados ngiring.
- d. Yening wenten salah sinunggil Krama Desa Adat Belaluan ngaben ring sowang-sowang jero nenten kadadosang sajaba Pamangku.
- e. Yan nyekah ring tengah kalaksanayang olih Krama Banjar, lanag utawi istri.
- f. Yan pangarep sane nyekah prasida antuk ngambil kakaryane sureng pangarep maka sami, kadadosang tan nunas ayah ring Banjar.
- g. Yening wenten sinelih tunggil Krama Desa Adat/Banjar madue pendeman tan wenten warisnya, wening Banjar muputang (ngaben lan nyekah manut pararem).

- h. Yening wenten sinslih tunggil Kraja Desa Adat/Banjar madruwe pendeman wenten warisnya, nanging jati-jati tan mrasidayang ngaben patut i Kraja ngicen wantuan pamargine wantah swasta.
- i. Wates bale-balean (wadah) nenten dados lintang ring tigang meter (3 meter) munguing patulengan sang pengarep sane ngaryanin.
- j. Ring sampun puput pailah pangabenen, sang pengarep patut ngawentenang pacaruen.
- k. Swadharmaning utawi tategenan kraja Banjar luwire :
- a. Indik Patas Banjar manut pararem.
 - b. Indik kakeryan Banjar manut pararem.

Pawos 46

- (1) Atiwa-tiwa (pangabenen) kalsksensyang antuk :
- a. Nyawa Preteka.
 - b. Nyawa Resi (Suasta geni) saantukan tan ngegeh utawi manawi sawe tan kekenieng.
 - c. Swasta.
- (2) Panamayan pangabenen wenten kalih :
- a. Ngaben ngamasa (5 warsa).
 - b. Ngaben dadakan (Pamangku).
- (3) Dudonan pangabenen ngawit sakeng ngagah (seda), ngeseng ngantos pangiriman utawi nganyut.

Pawos 47

- (1) Peputusan pangabenen wenten kelih pasos :
- a. Ngaben ngamasa : manut pararem.
 - b. Ngaben dadakan : nenten kapatutan sajabana Pamangku, indik patas Banjar manut pararem.

Palet 4

Indik Manusa Yadnya

Pawos 48

- (1) Manusa yadnya inggih punika upacara-upakara dharmaaning manusa, ngawit sakeng patemoning kama bang kelawan kama putih sajeroning garba ngantos kalayu sekaran riwekas.

- (2) Upacara-upakara kedi ring ajeng madudonan sakadi ring sor :
- a. Magedong-gedongan duk pangrempinian ibiang.
 - b. Duk sang kama reks medal.
 - c. Kepus Odel.
 - d. Kores rahina.
 - e. Tutug kambuhan (42 rahina).
 - f. Nigang sasihin (3 bulan).
 - g. Pawetuan (otonan / 6 sasih).
 - h. Tutug kelih (ngraja sewala wedone, ngembakin lanange).
 - i. Matatah / mapendes.
 - j. Mawiwaha.
 - k. Mawinten.
- (3) Upacara-upakara inucap nista, madya, utama manut sastra 'gama, lan catur dresta.

Palet 5
Indik Bhuta Yadnya
Pawos 49

- (1) Bhuta yadnya inggih punika upacara-upakara biyakala ring pertiwi lan kahyangan, sarwa prani, piranti saha upacara-upakara ring babhutan.
- (2) Upacara pabyakala ring sarwa prani lan piranti luwire :
- a. Ring sarwa tumuwuh rikala tumpek Pangatag (Saniscara Kliwon Wariga).
 - b. Ring sarwa ingon-ingon rikala tumpek Andang (Saniscara Kliwon Uye).
 - c. Ring sarwa lelandep rikala Tumpek Landep.
 - d. Ring sarwa syandana rikala Tumpek Kuningan.
 - e. Ring sarwa kelanguan rikala Tumpek Krulut.
 - f. Ring sarwa reringgitan rikala Tumpek Wayang.
 - g. Upakara pakala-kalsan manusa manut wiguna, kabawos Pabyakala.
- (3) Upacara-upakara ring pertiwi, kahyangan lan babhutan kawastaning macaru.

- (4) Pacaruan inucap ring ajeng, nista, madya, utawa manut wiguna sakadi ring sor :
- Eka sata.
 - Panca sata.
 - Panca sanak.
 - Resi gens.
 - Tawur gung.
 - Panca kelud
- (5) Sajawaning sakadi ring ajeng kawentenana upakara :
- Mojot-jotan / masabibon utawi yednya sesa nyabran wusan ngrateng.
 - Masepuh-sepuh rikala pecang wali ring Pura.

Pawos 50

- (1) Nangken ngawaras rikalening tilem kasanga kawenteneng tawur kasanga, kelantureng antuk ngrupuk, makacihna pacang mapag rahina panyepian benjangne.
- (2) Brata panyepian sane kamargiang olih krama Desa :
- Amati geni, tan dados masapi-sapi.
 - Mati karya, tan dados nyebut karya.
 - Mati lelangun, tan dados maoneng-oneng, masuwara goran lan maspenunggalanya.
- (3) Peberatan inucap kamargiang sakeng semeng ngantos semeng benjangne reris kesuwarayang kulkul pinaka cihna pangembak.
- (4) Sang mamurug kecep ring ajeng keni pamidanda manut pararem kamargiang olih pacalang Desa, sajawaning sang sane polih panugrahan manut wigunanya utawi pabuatnya kaduluran antuk lingga tangan sakeng Prajuru.
- (5) Riwas rahina nyepi (benjangne) maka cihna pangawit Içaka warsa, patut sowang-sowang warga Desa sami ngaksama (Dharma Manthi).

BARGU V
 SUKERTA TATA PAWONGAN
 Palet 1
 Indik Pawiwahan
 Pawos 51

- (1) Pawiwahan inggih punika patemoning purusa pradana, malara-pan panunggalan kayun suksa lila kadulurin upasaksi sakala niskala.
- (2) Pamargin Pawiwahan luwira :
 - a. Papadikan, kemenggala antuk pakrunayan.
 - b. Ingrorod, mrangkat riyin wewu kekrunayang.
 - c. Nyeburin utawi sentana nyeburin.
 - d. Ring sajeroning pamargi manut pararem.
- (3) Pidabdab sang pacang mawiwaha patut :
 - a. Sampun manggeh deha taruna (prasida ngenutin Undang-Undang sakeng guru wisesa).
 - b. Sangkaning pada lila (tan kapaksa).
 - c. Manut kecap sastra 'gama (tan gama gamane).
 - d. Kesudi wadhani prade pangabile tiyos gama utawi kapati wangi prade pangabile singgiheng wengsa.
- (4) Pamargin pawiwahan mongde taler ngenutin Undang-Undang Perkawinan sang ngawswenang.

Pawos 52

- (1) Pawiwahan sane kapetutang ring Desa, sakadi ring sor :
 - a. Sampun kamergiang pabyakala utawi pasakapan, kasak-siang sakala niskala olih Pandita/Pinandita.
 - b. Menten pasaksi Prajuru sane mapakelingang utawi ngilikitayang pawiwahan.
 - c. Sampun matengeran bwaren kulkul.
 - d. Pawiwahan inucap ring ajeng sampun kailikitayang ring ngawawenang.
- (2) Parabian sane tan manut sakadi ring ajeng sinanggeh tan patut (tan sah) keni pamidanda manut pararem.

Pawos 53

Tata caraning parabian patut sakadi ring sor :

- a. Sapa sire ugi pacang ngawarangang pakulawargen patut masedok ring Prajuru selanturnya Prajuru maritates manut ten manut pamergin parabiene.
- b. Pamergi Papadiken manut dudonan :
1. Pakrunan jantos ping tiga, saha sowang-sowang melarepan :
 - a. Kapertama antuk canang pangrawos.
 - b. Kaping kalih antuk canang base lan daksina.
 - c. Kaping tiga antuk canang lan daksina pajati kabawos pamuput papadiken.
 2. Kiasampun pamragat reris sang istri kesjak budal ring pakubon sang lanang, saha kalanturang antuk pabyakala.
 3. Mangda pragot tumus sakala niskala, reris kulawarga purusa makta pajati ring Pamerasan wadone.
- c. Prade ngarorod / merangkat patut :
1. Reraman lanange ngawentenang pamileku/panglukuan antuk duta sakirangnya 2 (kalih) diri.
 2. Panyenahan antena ten dados ring pakubon sang lanang saderenge mabyakala.
- d. Sajeroning pakrunan/panglukuan patut :
1. Kasanggala antuk geng pangampura marep ring reraman wadone.
 2. Kaigumang bawos idih pekidih utawi palegayan marep ring pasewakan sang ngidih saha dewasa pakrab kabeyan riwekas.
 3. Kacihnayang indik kapurusan utawi prade sentana rejeg kajejerang kepatut ngidih anak lanang sane kabawos pawiwahan nyeburin, tur risampun sulur pamerasan kategepin, kamanggehang sentana nyeburin.
 4. Prade panglukuan ten katerima, pakrunayan kamargiang jantos ping tiga upacara pakraban reris kamargiang.
- e. Pakrab kabeyan mepiteges upacara tinas apadang (puput apikuren), dwaning manut sekadi ring sor :
1. Sajeroning kabawos ambe, koleksanayang ring sakala niskala antuk sarana jejauman miwah pawidi widana :
 - a. Jejauman pinaka ngambe/ngadungang kayun sowang-sowang pakulawargen wadone.

- b. Widi widana pinaka pejati niskala nunas madone ring Pamrajanya.
2. Sujeroning bawos kerab palaksana ring sakala :
- a. antuk panyaksi krama Banjar, dwaning pakraben kacih-nayang antuk tengeran swaran kulkul.
- b. Pamakas panyaksi Prajuru sane ngilikitsayang.

Palet 2
Indik Nyapihan
Pawos 54

- (1) Pawiwahan kabawos wusan malarapan antuk palas parabian utawi kapadaman/katinggal seda.
- (2) Wusan mapikuren riantuken salah sinunggil seda mapiteges balu, makadi balu lanang/istri.
- (3) Palas marabian wenten kalih paos, inggih punika sangkaping pada lila miwah mewiwit wicara.
- (4) Sang ayat palas marabian pstut stur supeksa peilikitan ri-yin ring sang rumawos westu tinas kabawos nyapihan wawu Prajuru nyobyehang kawentenanya ring krama Banjar saha ke-ni panebas suwaran kulkul manut pararem.

Pawos 55

Tata cara palas marabian makadi ring sor :

- a. Nawar prebeys pasaksi sinelih tunggil saui metenga.
- b. Pegunakeyan polih pahan pada utawi manut dresta.
- c. Pabekel, tadtadan sowang-sowang kakussa niri-niri miwah warisan kakussa olih purusa.
- d. Ngawruhni miwah ngupajiwen pratisentana manut swedhermaning guru rupaka.
- e. Nawar pamidanda panebas suwaran kulkul manut pararem.
- f. Ngelun,, jinah bolong logika Prajuru.

Pawos 56

Prade riwekas sang palas kacihnén adung malih, patut :

- a. Ngalaksensyang pawiwahan malih.
- b. Kadande nikel sokeng palase.
- c. Prade palas ping kalih tan dados adung malih.

Pawos 57

- (1) Sang balu kabidayang dados :
- Balu luh wit sentana (sentana rajeg) miwah balu luh boys sentana.
 - Balu muani kapurusa (wit sentana) miwah balu muani nyeburin (boys sentana).
- (2) Swadharmaning balu inucap patut :
- Ngemanggehang pati brata ten dados ngemanggehang paradera utawi drati krama.
 - Nguwasayang waris pagunakaya, ten dados ngadol, ngede-ang, makidiang lan siyosan punika, sajawaning polih paigum sakeng pianak utawi kulawarga pinih nampek sakeng kurenanya prade pianak kantun alit-alit.
 - Dados ngidih santana prade wenten pidabdab sadurung sinalih tunggil padan, saha polih paigum sakeng kulawarga kapurusa.
 - Kawenangang mawiwaha malih, prade wenten paigum manut angka lan aksara ring ajeng.

Pawos 58

- Balu ten keucep pagen sakudi ring sor :
- Dratikrama utawi paradera.
 - Matiler sakeng pakubon ten pasadok jantos 6 (enam) saah.
 - Lepas ring swadharna sewosan, ten prasida ngesihin salah mprawerti arep ring pituduh kulawarga purusa sane patut.
 - Balu ten pagen kadi keucep ring ajeng wenang katundung olih kulawarga purusa tur ten polih pahan waris.
 - Yan wenten balu ten pesentana, katundung olih kulawarga purusa patut polih pah-pahan pagunakaya.

Palet 3

Indik Sentana

Pawos 59

- Sentana wenten kalih paos, sane keucep pratisentana miwah sentana papperasa.
- Pratisentana inggih punika sentana sane metu sakeng pawiwahan sane patut.

- (3) Prade pawiwahan ten kapatut ngawetuang sentana, mangda ten kantung kawastanin babinjat utawi astra patut kamanggala antuk panyangaskara paperasan.
- (4) Prade pawiwahane ten ngawetuang sentana dados ngidih sentana antuk upesaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngelaksanayang pawiwahan nyeburin.
- (6) Sang sane dados keadegang sentana rajeg inucap wiwit angka (5) inggih punika :
 - a. Pratisentana wadon tunggal.
 - b. Sampun kamanggehang dados pratisentana lanang (purusa).
 - c. Kapewiwahang kaceburin, kautamayang antuk jadas sane agama Hindu utawi jadas sane agama siyosan sane sampun ngelaksanayang pamerayascita raga utawi sudi wedani.
 - d. Sane manggehang sentana rajeg patut wapesadok ring Prajuru Banjar, tur Klihan Banjar patut nyobyahang ring Banjar saha ngaturang ring Prajuru Desa adat.

Pewos 60

- (1) Paperasan punika sinanggeh sampun patut tur puput yening sampun kacihnayang antuk :
 - a. Pawidi widana paperasan.
 - b. Kasaksiang sakala niskala.
 - c. Menten ilikita sane mungguhang tata sulur paperasan.
- (2) Supasira ugi kramapancang ngidih sentana patut wapesadok ring Bendesa sanistane tigang asih sadereng pamerasan.
- (3) Bendesa kasade olih Klihan Banjar nyobyahang ring wawidangan desa, sang supasira ugi rumaksa ten lila mangda nyadokang mabenger kalih wuku (14 rehina) sabanen pamerasan ring Prajuru Desa adat.
- (4) Prajuru Desa digelis mawosin saha ngicenin pamutus nepak ring catur dresta miwah pararem.
- (5) Prade sulur paperasan ten manut sakedi ring ajeng, Prajuru Desa wenang ngandeg sang pacang makarya, saha ngi-

cenin penuntun, mangda kapuputang riyin babawos sulur utawi wicarenya.

(6) Wenten ilikita sang Ngawawenang.

Pawos 61

- (1) Papanasan sane kapatuteng ring Desa risampun makacihna :
 - a. Vidi widana pemerasan.
 - b. Kasaksinin olih Prejuru Desa sane makelingang utawi ngilikitayang.
 - c. Kasobyahang ring wewidangan Desane.
- (2) Mane patut peras angge sentana kadi ring sor :
 - a. Jadma magama Hindu.
 - b. Sakeng waris pancar kapurusa.
 - c. Kulawarga sakeng purusa, prade tan wenten dados sakeng pradana taler tan wenten dados sakama-kama.
 - d. Kautmayang sakeng waris pancar kapurusa.
 - e. Pinilih tunggal mawiwit sakeng kulawarga tunggal sang-gah utawi arajan, paibon lan dadya utawi ngambilin anak tios sakewanten sang magama Hindu.
- (3) Nenten kedadosang ngaangkat sentana langkung ring asiki, lanang wiadin wadon.

Palet 4

Indik Warisan

Pawos 62

- (1) Warisan inggih punika tatamian artha brana saha ayah-ayah-an ngupadi kasukerta sakala niskala sakeng kaluhurenya marep ring turunanya.
- (2) Sang sinanggeh warisan luwire :
 - a. Due tengah, makadi kerang ayahan Desa, Kshyangan, .usa-ka, Siwa kerane lsp.
 - b. Pagunskuyon, tatadan/jiwa dana, utang piutang.
- (3) Wawu dados kabawos warisan prade wenten :
 - a. Sang aspiturun (pawaris).
 - b. Katurunan (ahli waris),
 - c. Artha brana miwah tategenan makacihna warisan.

Pawos 63

- (1) Ahli waris, luwire :
- a. Pratisentana Purusa.
 - b. Pratisentana Pradana (sentana rajeg).
 - c. Sentana Paperasan lanang/wadon.
- (2) Prade tan wenten sakadi ring ajeng, sene sinanggah ahli waris :
- a. Turunan Purusa pernah ngunggahang : rerasa lanang, pekak salantur ipun rerasa wisan windon.
 - b. Turunan Purusa pernah kesamping : wisan, windon, kaponakan dimisan lan kaponakan dimindon.

Pawos 64

- Swadharmening ahli waris patut :
- a. Nrima saha nguassyeng tetawisn pahan sakeng kaluhuwanya, makadi ngerepon sanggah, Pura saha pangupacaranya miwah nyelidihinan ayah-ayahan pawaris.
 - b. Ngabenang pawaris.
 - c. Nawurin utang-utang pawaris sene patut.

Pawos 65

- Pangepahan waris manut sakadi ring sor :
- a. Risampun kalaksanayang Pitra Yadnya lan utang-utang pawaris buntas katawur.
 - b. Para ahli waris polih pahan pada sakeng pegunakayan, sajabening druwe tengah kaamong olih ahli waris sene sinanggah krama ngarep.
 - c. Sinalih tunggal ahli waris dados ten polih pahan pada prade:
 1. Nilar kawitan lan agawa.
 2. Ipeks guru rupeks.
 3. Sentana rajeg kesah mawiwaha utawi pratisentana nyeburin sowang-sowang kabewos ninggal kadaton.
 - d. Boya ahli waris dados muponin hasil manut dudonan, luwire:
 1. Sentana luh, selami dereng kesah mawiwaha utawi ten alpeks guru, miwah prade madrebe pianak ten keangkenin olih wong tua rare inucap, dados ngawaris wantah pikolih (pagunakaya) sentana luh inucap kemawon.

2. Belu luh wiadin muani nyeburin (sowang-sowang boy. prati-sentans).
3. Mulih dahn utawi taruna, riantukan ring pawihane pecak sampun kabawas ninggal kadaton.
- e. Pawaris dados maweweh rikala maurip ring pianak jiwa dahn, tadtaden/bekel, makacihna paweweh tetep ring pianak sane kesh mawiwaha.

Pawos 66

- (1) Prade sajeroning pekulawargan wenten ahli waris lengkungan ring adiri patut :
 - a. Kawentenang paigum indik padum waris inucap.
 - b. Yan tan prasida katunasang tatimbang ring Prajuru (Kerta Desa).
 - c. Prade taler tan wenten cumpu ring panepas Kerta Desa, dados katunasang ring sang Rumawas.
- (2) Prade kerang inucap kaputungan patut Prajuru nibakang ring :
 - a. Sang sinanggeh ahli waris manut pawos 63.
 - b. Sang dados anggen sentans manut pawos 61 (2) miwah (3).
 - c. Prade taler tan wenten cumpu ring panepas Kerta Desa, dados katunasang ring sang Rumawas.
- (3) Prade jantos karang Desa kasepah utawi kasepih, patut sowang-sowang nedunin makrasa Desa marep.

LARGA VI

WICARA LAN PAMIDANDA

Palet 1

Indik Wicara

Pawos 67

- (1) Sane wewang mawosin miwah mutusang wicara ring Desa inggih punika Prajuru Desa sinanggeh Kerta Desa.
- (2) Prade san, mawicara tan wenten cumpu ring pamutus Kerta Desa dados nunasang wicara inucap ring sang Rumawas.

Pawos 68

- (1) Sahanen wicara sane mawiwit kacorahan sakaluwire sinanggeh

- nungkasin daging 'wig-awig, pararem miwah Pasuwara Desa/
Banjar Prajuru patut digelis mawosin ten nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
 - (3) Panepese patut pastika nyantenang iwang patut malerepan Tri Pramana (saksi, ilikita, bukti) miwah ten maren nepak ring catur dresta.

Palet 2
Indik Pamidanda
Pawos 69

- (1) Desa/Banjar wenang niwakang pamidanda ring warge Desa / Banjar sane sisip.
- (2) Paniwak inucap kalaksanayang olih Bendesa/Klihan Banjar.
- (3) Bacakan Pamidanda luwire :
 - a. yehan panukun kesisipan.
 - b. Danda Artha.
 - c. Kadaut karang syahanya.
 - d. Kanorayang.
 - e. Panyangskara.
- (4) Pamidanda sane ketiwakang patut masor singgih manut ring kesisipanya.
- (5) Jinah utawi Raja brana pamidanda ngranjing dados druwen Desa.

Pawos 70

- (1) Krama sane langkung ring tigang paruman nglantur ten nawur urunan miwah dedandan wenang karampag.
- (2) Rerampagan nganggé tata cara kadi ring sor :
 - a. Kalaksanayang olih Prajuru kaserengin olih krama tigang diri make saksi.
 - b. Sang ngerampag sangkaning darsana nambil barang utawi nyawenin tanem tuwuh, akehnya manut ring utang sang karampag, sang sane kerampag sangkaning lila ngaturang barangnyane.
 - c. Prajuru mitekatang mangda barang-barang sane karampag digelis ketebus, masenger awuku ring kutus rahinane

pacang kradol.

- d. Tan nganinin seluwire barang sane patut inggilang manut
'Goma miwah mademang pangupa jiwa sang kerampag.

Pawos 71

- (1) Prade sang pacang kerampag ngawara (ngalengin) pelaksana inucap mowastu sampun tan ngenutin Awig-awig Desa wenang kerang Desa sane kagenihin kadaut olih Desane.
- (2) Samaliha yan purun taler ngalengin pelaksana kadi ring ajeng tan wenten pemargi sajawening kanorayang olih krama Desane.
- (3) Pawidanda inucap ring ajeng sampun sida buntas risampun sang kekenenin :
 - a. Nunas geng bangsmpura ring krama Desa riantukan nguak pasubaya (perarem) pecak.
 - b. Nwur pangergen panguk pasubaya duk pacang kerampag kadulurin pemrayasoita panyapsap kaiwangane ring Desa.

SARGA VII

NGUWAH-NGUWUHIN AWIG-AWIG

Pawos 72

- (1) Nguwah-nguwuhin Awig-awig Desa puniki kalaksanayang entuk paruman Desa.
- (2) Awig-awig puniki kamargiang ngawit kaingkupin (keraremin).

Pawos 73

- (1) Sakaluwiring sane wenten saderengnya patut kmanutang ring sadaging wig-awig puniki.
- (2) Sakaluwiring sane durung kabawas sajeroning wig-awig puniki patut kalaksanayang manut tata cara sane sampun ketah mamargi kadulurin entuk perarem-pararem.

D RGA VIII
P M U P U T
Pawos 74


(1) Awig-awig puniki kararemin duk rehins :

(2) Awig-awig puniki kalingga tanganin antuk Bendesa kaserengin
para petajuh, Klihen Banjar lan Prajuru Dines pinaka saksi.

(3) Luwir sang ngalingga tanganin :


a. Kapertama Prajuru Desa :

1. Bendesa Adat Belsluan



(I WAYAN RUGEK)

2. Klihen Banjar Belsluan
KAB. SUKAWATI
GIANYAR
SINGARASU
Drs. I M DE SUJA




3. Petajuh Tempekan Puseh



(I ... WAYAN RENTA)

4. Petajuh Tempekan Desa




(I WAYAN RENDAH)

5. Petajuh Tempekan Dalem



(I WAYAN MUJA)

b. Keping kelip Prajuru Dines pinaka sekai :



2. Kepala Desa Singepadu Tengah



3. Camat Sukawati



MENGETAHUI DAN TELAH DICATATKAN

PADA TANGGAL : 12 MARET 1974

N O M O R : 4 TAHUN 1974

